

Bosna i Hercegovina  
Federacija Bosne i Hercegovine



Босна и Херцеговина  
Федерација Босне и Херцеговине

**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša

**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure,  
Physical Planning Construction and  
Environmental Protection

Broj:05-04-38989-31/21 ZK  
Sarajevo,10.11.2021.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničku inicijativu zastupnice Segmedine Srna Bajramović

**Zastupnica Segmedina Srna Bajramović**, u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo” - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20) na 43. Radnoj sjednici Skupštine Kantona Sarajevo, održanoj dana 22.10.2021.godine, u okviru tačke Dnevnog reda „Poslanička/zastupnička pitanja, inicijative i odgovori”, uputila je zastupničku inicijativu:

**INICIJATIVA:**

„Inicijativa prema Ministarstvu komunalne privrede, infrastrukture, prostornog uređenja, građenja i zaštite okoliša da nam dostavi spisak svih zgrada u vlasništvu Kantona, koje nisu u sistemu grijanja JP Toplane ili ne koriste plin kao gorivo.

**Obrazloženje:**

S početkom zime i grijne sezone, u Sarajevo se vrati stari-novi problem pod imenom „zagađenje zraka”. Tako je za očekivati da će Sarajevo opet biti prvi na listi glavnih i velikih gradova svijeta sa najvišim indeksom zagađenosti zraka prema specijaliziranoj internetskoj stranici AirVisual. Opšti cilj spiska je utvrđivanje prioriternih objekata na području Kantona Sarajevo koje smo dužni toplificirati modelom koji će doprinijeti smanjivanju zagađenja zraka. Jasno je da smo dužni krenuti od sebe kako bi imali legitimitet u provođenju kampanja za podizanje opšte svijesti građana.”



web: <http://mkipgo.ks.gov.ba/>  
e-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)  
Tel: + 387 (0) 33 562-086,  
Fax:+ 387 (0) 33 562-177

Sarajevo, Reisa Džemaludina Čauševića 1



## ODGOVOR:

Ministarstvo komunalne privrede, infrastrukture, prostornog uređenja, građenja i zaštite okoliša od 2015.godine saraduje sa Razvojnim programom Ujedinjenih nacija (UNDP-ijem) na realizaciji projekta „Zeleni ekonomski razvoj”, u okviru kojeg se vrši energijska obnova javnih objekata u Kantonu Sarajevo. Aktivnosti su otpočele pripremom Studije energetske efikasnosti javnih objekata, koja je obuhvatila 322 objekta iz oblasti zdravstva, obrazovanja, unutrašnjih poslova, rada i socijalne politike i kulture. Pored Studije, urađeno je i 65 detaljnih energetskih audita za javne objekte. Vlada Kantona Sarajevo je 22.03.2018.godine usvojila Akcioni plan energetske efikasnosti u javnim objektima za period od tri godine, a u kojem su, na bazi utvrđenih kriterija, među kojima je i korišteni energent, utvrđeni objekti za rekonstrukciju.

U prethodnih 6 godina mjere energetske efikasnosti su provedene na ukupno 72 javna objekta, a uloženo je 15.320.017 KM, od čega je Ministarstvo obezbijedilo preko 10 miliona KM, dok su ostali sufinansiranje UNDP-i (putem Vlade Švedske), kantonalna ministarstva, općine, te javni objekti. Od navedenog broja objekata, 5 je prešlo na sistem daljinskog grijanja, a u 28 objekata je urađena rekonstrukcija kotlovnice u smislu da je zamijenjen energent sa okolinski prihvatljivijim energentom ili je ugrađen efikasniji kotao na prirodni gas, čime je znatno smanjena potrošnja energenata, a samim tim i emisije u zrak.

Objekti koji su prešli na sistem daljinskog grijanja su:

1. Dom zdravlja Kumrovec Sarajevo
2. Željeznički školski centar Sarajevo (prethodno objekat zagrijavan preko kotlovnice na lož ulje)
3. Centar za slijepu i slabovidnu djecu Sarajevo
4. Objekat „BKC”-a
5. Arhitektonsko-građevinski fakultet Sarajevo

Objekti na kojima je rađena promjena energenata:

rb	Naziv	Energent staro	Energent novo
1	ŽELJEZNIČKI ŠKOLSKI CENTAR	lož ulje	SDG
2	CENTAR ZA SLIJEPU I SLABOVIDNU DJECU SARAJEVO	plin	SDG
3	OŠ ALIJA NAMETAK,	plin	plin-kondenzacija
4	OŠ SREDNJE PŠ DRAGORADI,	ugalj	pelet
5	OŠ ISAK SAMOKOVLJA,	lož ulje	plin-kondenzacija
6	OŠ IZET ŠABIĆ	lož ulje	plin-kondenzacija
7	OŠ ZAHID BARUČIJA	lož ulje	plin-kondenzacija



web: <http://mkipgo.ks.gov.ba/>  
e-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



8	BKC	plin	SDG
9	OŠ SREDNJE PŠ GAJEVI	peći na drva	pelet
10	OŠ VLADISLAV ŠKARIĆ,	lož ulje	plin-kondenzacija
11	MUZIČKA ŠKOLA	plin	plin-kondenzacija
12	IV OŠ HRASNICA	plin+lož ulje	plin-kondenzacija
13	AMBULANTA DEJČIĆI	lož ulje	pelet
14	OŠ PORODICE EFENDIJE RAMIĆ SEMIZOVAC	plin	plin-kondenzacija
15	JU TERAPIJSKA ZAJEDNICA KAMPUS	lož ulje	pelet
16	PS HADŽIĆI,	plin+lož ulje	plin-kondenzacija
17	PS TRNOVO	lož ulje	pelet
18	AMBULANTA MRAKOVO,	ugalj	pelet
19	AMBULANTA ŠABIĆI	peći na drva	pelet
20	OŠ PORODICE EF. RAMIĆ SEMIZOVAC , PŠ KAMENA GORA,	lož ulje	pelet
21	OŠ HILMI EF. SARIĆ U TARČINU	lož ulje	pelet
22	PSIHIJATRIJSKA BOLNICA KANTONA SARAJEVO	lož ulje	pelet
23	DJEČIJI DOM BJELAVE - Dom za djecu bez roditeljskog staranja	lož ulje	plin-kondenzacija
24	ŠESTA OSNOVNA ŠKOLA ILIDŽA	lož ulje	plin-kondenzacija
25	OPŠTINA NOVO SARAJEVO	plin	plin-kondenzacija
26	POZORIŠTE MLADIH	plin	plin-kondenzacija
27	JU DRUGA OSNOVNA ŠKOLA – Ilidža u Hrasnici	plin+lož ulje	plin-kondenzacija
28	JU OŠ "9. maj"	ugalj	pelet



web: <http://mkipgo.ks.gov.ba/>  
e-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



Osim 72 objekta koji su energijski sanirani, 40 objekata iz Studije energetske efikasnosti javnih objekata je obuhvaćeno projektom koji se od 2019.godine realizuje u saradnji sa Evropskom bankom za obnovu i razvoj. Radi se o objektima iz sektora obrazovanja i zdravstva. Projekat se finansira iz kreditnih (16 miliona KM) i grant sredstava (4 miliona KM) EBRD-a. U međuvremenu su urađeni detaljni energetske auditi i projektna dokumentacija, te je obezbijeđena i revizija iste. U toku je provođenje tendera za izvođenje radova na prvih 15 javnih objekata, prema procedurama i pravilima EBRD-a.

Što se tiče preostalih 210 objekata iz Studije, prema dostupnim informacijama, još jedan broj objekata je u proteklom periodu obnovljen i to u direktnoj organizaciji općina, Federalnog ministarstva prostornog uređenja ili samih objekata.

Iz tog razloga bi trebalo uraditi ažuriranje Studije, za koje postoji interes UNDP-ija, u nastavku realizacije projekta „Zeleni ekonomski razvoj”, koji će trajati do marta 2024.godine. Projekat je inače otvoren za Kanton Sarajevo pod istim uslovima kao i ranije, a to znači u najkraćem obezbjeđivanje do 25% grant sredstava za javne objekte od strane UNDP-ija i do 30% ukoliko se ugrađuju sistemi obnovljivih izvora energije (solarni sistemi napr.).

**MINISTAR**  
**Enver Hadžiahmetović, dipl.ing.maš.**

Dostaviti:

- Predsjedavajući Skupštine Kantona Sarajevo
- Služba za skupštinske poslove
- Sekretar Vlade Kantona Sarajevo
- Evidencija
- a/a



web: <http://mkipgo.ks.gov.ba/>  
e-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1

